



*Շրջակա միջավայրի նախարարության  
«Հիդրոոդերոլոգիայի և մոնիթորինգի կենտրոն» ՊՈԱԿ*

---

*ԱԳՐՈՇԵՐՆԵՎՈՒԹԱԲԱՆԱԿԱՆ*

*ՏԵՂԵԿԱԳԻՐ*

*2024*

---


*Ապրիլի երրորդ տասնօրյակ*

*Տեղեկագիրը կազմել է ագրոոդերոլոգիայի բաժինը՝ մասնագիտացված ագրոոդերոլոգիայի կայաններից ստացված տեղեկատվության հիման վրա:*

*Տեղեկագրի պատասխանատու՝ տնօրենի տեղակալ Գ. Մուրենյան*

## ՀԻՄՆԱԿԱՆ ՕԴԵՐԵՎՈՒԹԱԲԱՆԱԿԱՆ ԱՌԱՆՁՆԱՀԱՏԿՈՒԹՅՈՒՆՆԵՐ

Ապրիլի երրորդ տասնօրյակում օդի միջին ջերմաստիճանը հանրապետության շրջանների զգալի մասում բարձր է եղել նորմայից 5-7աստիճանով:




Տասնօրյակի ամենաբարձր ջերմաստիճանները դիտվել են ապրիլի 29-ին և 30-ին. երբ հանրապետության շրջանների զգալի մասում դիտված առավելագույն արժեքները գերազանցեցին պատմական արժեքներին: Տավուշում գրանցվել է +26...+30°C, Վայոց ձորի լեռնային շրջաններում՝ +22...+24°C, նախալեռնային շրջաններում՝ +29...+31°C, Սյունիքի հովտային շրջաններում՝ +28...+31°C, նախալեռնային շրջաններում՝ +22...+24°C, Շիրակում՝ +24...+28°C, Կոտայքի լեռնային շրջաններում՝ +23...+25°C, նախալեռնային շրջաններում՝ +26...+28°C, Գեղարքունիքում՝ +21...+24°C, Լոռիում՝ +25...+29°C, Արմավիրում, Արարատում՝ +31...+33°C, Արագածոտնի լեռնային շրջաններում՝ +22...+24°C, նախալեռներում՝ +24...+26°C (Աշտարակ՝ +31°C):

Տասնօրյակի ամենացածր ջերմաստիճանը Տավուշում գրանցվել է +8...+10°C (Դիլիջան՝ +3°C), Վայոց ձորի լեռնային շրջաններում՝ +1...+3°C, նախալեռնային շրջաններում՝ +6...+8°C, Սյունիքի հովտային շրջաններում՝ +8...+12°C, նախալեռնային շրջաններում՝ +5...+7°C (Սիսիան՝ 0°C) Շիրակում՝ +2...+6°C (Աշոցք՝ -1°C), Կոտայքի լեռնային շրջաններում՝ -1...+4°C, նախալեռնային շրջաններում՝ +7...+9°C, Գեղարքունիքում՝ -1...+4°C, Լոռիում՝ +2...+5°C (Տաշիր՝ -1°C), Արմավիրում, Արարատում՝ +7...+10°C, Արագածոտնի լեռնային շրջաններում՝ -2...+1°C, նախալեռներում՝ +7...+10°C:













Տասնօրյակի ընթացքում ապրիլի 21-23-ին առանձին շրջաններում դիպվել են թույլ տեղումներ: Ողջ տասնօրյակի ընթացքում Արարատի, Արմավիրի և Վայոց ձորի մարզերում տեղումներ չեն դիպվել: Տեղումների գումարային քանակը Շիրակում կազմել է 0.3-0.4մմ(1-2%), Լոռիում՝ 5-6մմ (12-15%), Տավուշում՝ 3-4մմ (9-12%), Արագածոտնի լեռնային շրջաններում՝ 1-5մմ (2-15%), նախալեռներում՝ 0.3-2մմ (1-8%), Գեղարքունիքում՝ 1-6մմ (4-19%), Կոտայքի լեռնային շրջաններում տեղումներ գրանցվել են միայն Հանքավանում՝ 2մմ (5%), նախալեռներում՝ 0.7մմ (3%), Սյունիքում՝ 5-11մմ (19-29%):



Հողի մակերևույթի նվազագույն ջերմաստիճանները գրանցվել են ապրիլի 22-25-ն ընկած ժամանակահատվածում. լեռնային շրջաններում՝ -1...-4°C, նախալեռնային շրջաններում՝ +1...+4°C, Արարատյան դաշտում, Տավուշի և Սյունիքի հովտային շրջաններում՝ +6...+8°C:

*Վեգետացիոն ինդեքսի ընթացիկ ընթացքն անցյալ տարվա և բազմամյա միջինի համեմատ*



## **Աշնանացան ցորեն**

Հովտային շրջաններում աշնանացան ցորենը շարունակվել է գրնվել հասկակալման, նախալեռնային շրջաններում՝ ծեղացողունի ներքին հանգույցների առաջացման, իսկ լեռնային շրջաններում՝ ցողունակալման փուլերում:

Հովտային շրջաններում աշնանացանի բարձրությունը տասնօրյակի վերջում հասել է 50-56սմ-ի, լեռնային շրջաններում՝ 10-20սմ տասնօրյակային աճը կազմել է 5-6սմ:

Մերձավանում աշնանացան ցորենի դաշտում բույսի աճի և զարգացման համար անհրաժեշտ հողի խոնավության պաշարները 0-10սմ շերտում՝ 10մմ, 0-20սմ շերտում՝ 30մմ, 0-30սմ՝ 57մմ, որն անցյալ տասնօրյակի համեմատ նվազել է 12-26մմ-ով:



## **Պտղատուներ, խաղող**



Հովտային շրջաններում շարունակվել է կորիզավոր պտղատուների աճն ու զարգացումը:

Հովտային շրջաններում շարունակվել է, նախալեռնային շրջաններում սկսվել՝ խաղողի վազի ծաղկաբույլերի առաջացումը:

Լեռնային շրջաններում հնդավորները ծաղկել են:

## **Խոտաբույսեր**

Լեռնային շրջաններում շարունակվել է կորնգանի, հովտային շրջաններում՝ առվույտի ցողունի աճը: Մերձավանում բույսի բարձրությունը տասնօրյակի վերջում կազմել է 55սմ, տասնօրյակային աճը կազմել է 11սմ: